

第五九四册

理學彙編

經籍典

集部

四二一四六〇
(卷)

古今圖書集成

中華書局影印

欽定古今圖書集成理學彙編經籍典

第四百七十一卷目錄

集部彙考一

晉武帝泰始一則

宋文帝元嘉一則

北周武帝保定一則

唐元宗開元二則 天寶一則

宋太宗太平興國一則 雍熙一則 淳化一則

一則 仁宗天聖一則 景祐一則 嘉祐一則

中靖國一則 崇寧一則 大觀一則 宣和

一則 高宗紹興一則 孝宗乾道一則 寧宗嘉泰二則

一則 理宗寶慶一則 度宗咸淳二則 宋恭宗明昌一則

集部彙考二

漢賈誼長沙集 明張溥題

司馬相如文園集 張溥題

董仲舒膠西集 張溥題

東方朔大中集 張溥題

王褒諫議集 張溥題

褚少孫集 張溥題

劉向中壘集 張溥題

劉歆子駿集 張溥題

揚雄侍郎集 張溥題

後漢馮衍曲陽集 張溥題

班固蘭臺集 張溥題

崔駰亭伯集 張溥題

蔡邕中郎集 張溥題

荀悅侍中集 張溥題

張衡河間集 張溥題

李尤伯仁集 張溥題

馬融季長集 張溥題

王逸叔師集 張溥題

孔融少府集 張溥題

蜀漢諸葛丞相集 晉陳壽進序 張溥題

經籍典第四百七十一卷

集部彙考一

晉

武帝泰始十年陳壽上諸葛亮集二十四篇

按晉書武帝本紀不載 按蜀志諸葛亮傳壽等言

前侍中領中書監臣苟助等奏使臣定故蜀丞相諸

葛亮故事亮毗佐危國負阻不賓猶存錄其言恥善

有遺誠是大晉光明至德澤被無疆自古以來未有

倫也輒刪複重隨類相從凡二十四篇 按壽上亮集

宋

文帝元嘉三年賜沮渠蒙遜子集諸書

按宋書文帝本紀不載 按大沮渠蒙遜傳元嘉三

年世子與國遣使奉表請周易及子集諸書太祖並

賜之合四百七十五卷

北周

武帝保定 年以梁武帝及簡文帝集藏祕閣

按周書武帝本紀不載 按蕭大圓傳開麟趾殿招

集學士大圓預焉梁武帝集四十卷簡文集九十卷

各止一本自陵下後為祕閣人圖既入麟趾方得見之乃手寫一集一年畢畢藏者稱歎之大圓性好學務於著述撰文集二十卷

唐

元宗開元八年令王勣劉仲丘等治集部書

按唐書元宗本紀不載 按藝文志詔祕書官並號

修書學士草定四部人人意自出無所統一論年不

成有司疲於供擬積無量等奏修撰有條宜得大儒

綜治詔委行中乃令母嬰韋述余欽總部分段賤

飲王樞治經述欽治史母嬰劉彥直治子王灣劉仲

丘治集八年四錄成上之

開元十九年冬車駕發京時集賢院集庫一萬七千

九百六十卷

按唐書元宗本紀不載 按會要開元十九年冬十

月丙申車駕發京時集賢院四庫書總八萬九千卷

經庫一萬三千七百五十二卷 注說五 史庫二萬八

千八百二十卷子庫二萬一千五百四十八卷集庫

一萬七千九百六十卷 注記六

按舊唐書經籍志後序開元時甲乙丙丁四部書各

為一部置知書官八人分掌之凡四部庫書兩京各

一本共一十二萬五千九百六十卷皆以益州麻紙

寫其集賢院御書經庫皆鈔白牙軸黃縑帶紅牙籤

史庫鈔青牙軸 縑帶綠牙籤子庫皆雕紫檀軸紫

帶碧牙籤集庫皆綠牙軸朱帶白牙籤以分別之 按

唐書此集未載年月故附見於會要 之後其卷數多寡互異難以從考

集賢院注記隋舊書用廣陵麻紙寫作蕭子雲書

體亦軸綵帶最麗好新寫書分部別類裝飾華麗

經白軸黃帶紅籤史碧軸縹帶綠籤子紫軸紫帶
碧籤集綠軸朱帶白籤圖書紫軸綠帶

天寶三載更造四庫書目集庫一萬五千七百二十卷

按唐書元宗本紀不載 按會要天寶三載四庫更造書目經庫七千七百七十七卷集賢注記作史庫七十六卷

一萬四千八百五十九卷子庫一萬六千二百八十七卷集庫一萬五千七百二十二卷

宋

太宗太平興國七年命李昉等撮文章精要集為千卷

按宋史太宗本紀不載 按會要太平興國七年九月帝以諸家文集其數至繁各擅所長纂蕪相間乃命翰林學士承旨李昉學士扈蒙直院徐鉉中書舍人朱白知制誥黃中呂蒙正李至司封員外郎李穆庫部員外郎楊徽之監察御史李範秘書監丞楊礪著作佐郎吳淑呂文仲胡汀戴貽慶國子監丞杜鎬將作監丞舒雅閣前代文章撮其精要以類分之為千卷目錄五十卷

雍熙三年李昉朱白等纂文苑英華上之

按宋史太宗本紀不載 按文苑英華傳太平興國八年召入翰林為學士雍熙中召白與李昉集諸文士纂文苑英華一千卷 按趙昌言傳太平興國三年進士歷職方員外郎知制誥預修文苑英華雍熙初加屯田郎 按王旦傳太平興國五年進士及第歷著作佐郎預編文苑英華詩類遷殿中丞 按楊徽之傳周顯德中進士太平興國初遷侍御史歷庫

部員外郎會詔李昉等采輯前代文字類為文苑英華以徵之精于風雅分命編詩為百八十卷 按呂文仲傳遷少府監丞預修文苑英華改著作佐郎

按會要帝以諸家文集命撮其精要雍熙三年十二月壬寅書成號曰文苑英華後李昉等相繼改外任

續命翰林學士蘇易簡等共成之帝覽之稱善降詔褒諭以書付史館賜器帛各有差

按麟臺故事淳化七年九月詔翰林學士承旨李昉翰林學士扈蒙給事中直學士院徐鉉中書舍人朱

白知制誥黃中呂蒙正李至司封員外郎李穆庫部員外郎楊徽之監察御史李範秘書丞楊礪著作

佐郎吳淑呂文仲胡汀著作佐郎直史館戴貽慶國子監丞杜鎬將作監丞舒雅等閣前代文集撮其精

要以類分之為文苑英華續命翰林學士蘇易簡中書舍人王祐知制誥范杲宋湜與朱白等共成之雍

熙三年上之凡一千卷按太宗紀年太平興國八年化七年一誤也且云淳化年修雍熙年上是以前雍熙在淳化之後二誤也疑是太平興國七年而本紀與字均傳誤不載朱白傳又云雍熙中纂修傳未詳年號未敢擅改

按玉海實錄雍熙三年十二月壬寅翰林學士朱白等上上覽而善之詔答曰近代以來斯文浸盛難述

作甚多而妍蚩不辨遂令編緝止取菁英所謂撓鳳之羽毛截犀象之牙角書成來上實有可觀宜付史館

史館

淳化二年蘇易簡上東觀集十卷

按宋史太宗本紀不載 按崇文總目東觀集十卷羅處約撰淳化二年七月蘇易簡上之藏史館

真宗景德二年四月幸龍圖閣觀書文集凡七千一百八卷

按宋史真宗本紀不載 按真宗實錄景德二年四月幸龍圖閣觀諸閣書畫文集閣七千一百八卷

別集總集

景德三年十月御崇政殿觀新校集庫書

按宋史真宗本紀不載 按玉海景德三年十月乙丑御崇政殿觀二館秘閣新校兩庫子集書凡萬二千餘卷賜校勘官器幣又賜宴崇文院

景德四年三月乙巳召輔臣登太清樓觀新寫四部書集庫五千三百六十一卷八月校勘文苑英華及

文選羣印頒行

按宋史真宗本紀不載 按玉海景德四年三月乙巳召輔臣登太清樓觀太宗聖製御書及新寫四部羣書上親執目錄令黃門舉其書示之總太宗聖製

詩及故事墨蹟三百七十五卷文章九十二卷經庫二千九百一十五卷史庫七千三百四十五卷子庫八千五百七十一卷集庫五千三百六十一卷四部書共二萬五千一百九十二卷 又云景德四年八月丁巳詔三館分校文苑英華以前所編次未盡允

愜遂令文臣擇前賢文章重加編錄芟繁補缺換易之卷數如舊 又云景德四年八月丁巳命直館校

理校勘文苑英華及文選羣印頒行

大中祥符二年正月詔已錄板文集擇官詳看可者錄奏是年以太宗御製賜輔臣命儒臣覆校文苑英

華

按宋史真宗本紀二年春正月庚午詔讀非聖之書及屬辭泛靡者皆嚴詆之錄板文集令轉運司擇官

及屬辭泛靡者皆嚴詆之錄板文集令轉運司擇官

詳看可者錄奏

按玉海大中祥符二年十一月甲寅遣使以太宗御製御書各六十二卷賜輔臣人一本皆未嘗頒於外者 又云祥符二年十月己亥命太常博士石待問校勘文苑英華十二月辛未又命張彥薛映成輪陳彭年覆校

大中祥符三年置龍圖閣奉安太宗御書御製文集是年詔纂歷代帝王集帝作序賜名宸章集

按宋史眞宗本紀不載 按職官志龍圖閣大中祥符建在會慶殿西偏北連禁中閣上以奉太宗御書御製文集及典籍圖書寶瑞之物有學士直學士待制直閣等官學士大中祥符三年置以杜鎬爲之班在樞密直學士上

按玉海祥符三年四月丁巳陳彭年上詔纂歷代帝王集二十五卷帝作序賜名宸章集

大中祥符五年奉安太宗御集於太清樓內出新編御集賜輔臣

按宋史眞宗本紀不載 按通鑑長編太清樓藏太宗御製及墨蹟石本九百三十四卷軸四部羣書二萬三千七百二十五卷其後羣書增及一萬一千二百九十三卷太宗御書御集又七百五十三卷

按玉海大中祥符五年八月庚申奉安太宗御集於太清樓初興國四年建太清樓於迎陽門後苑至是藏太宗御製墨跡石本十一月丙辰內出新編太宗皇帝御集及御書法帖凡十五部總三百三十六卷示輔臣上曰太宗學由天縱屬思援翰必極精妙王旦曰以文章化人成俗由太宗始也 太宗御草孝

經一卷刻石祕閣法帖十二卷小字法帖一卷古詩

一卷做鍾繇書一卷草書筆法一卷草書故事急就千文等爲卷軸三十一八分書故事千文爲卷二飛白書爲軸者七四體書五體書六字各一卷已上刻石御書院 墨跡雜書四千八百九十四卷冊御製四千十六卷冊古詩故事墨跡一千六百七十一卷雜書扇百三十六刻石雜書八百十八卷御製七百九十三卷古詩故事刻石雜書四百五十二軸已上分藏於龍圖閣太清樓祕閣御書院刻石雜書三百四十七卷七百五十三軸已上賜名山寺觀中外臣僚并兗州文宣王廟

大中祥符六年六月以二帝御集賜近臣詔王曾記之八月出御製集示王旦

按宋史眞宗本紀不載 按玉海大中祥符五年九月辛巳國子監請建閣奉藏太宗御書從之明年六月己巳上梁命近臣臨觀帝作七言詩賜之又賜二帝御集御書摹本詔王曾記之八月丙戌出御製靜居集三卷并法寶錄序示王旦

大中祥符七年晁迥等請以御製靜居王宸等集於祕閣奉藏

按宋史眞宗本紀不載 按玉海大中祥符七年六月己未晁迥等請以御製靜居王宸等集副本於祕閣奉藏從之

大中祥符八年二月賜昭應宮聖製文集

按宋史眞宗本紀不載 按玉海大中祥符八年正月丁亥以監書賜昭應宮二月辛酉賜聖製文集天禧二年正月奉安太宗文集於先猷殿奉御集於

繼文殿以太宗御集賜皇太子

按宋史眞宗本紀不載 按玉海天禧二年正月壬寅具鈞容清衛樂奉安太宗文集于先猷殿翌日奉御集安於繼文殿九月二十三日丙子召宗室近臣對清景殿內出御製皇太子元良述六藝箴各一卷并御覽國史兩朝實錄太宗御集等書賜皇太子天禧四年十一月戊午召近臣觀御製丁謂請鑲板宣布是年姚嗣復上其父所撰唐文粹

按宋史眞宗本紀天禧四年十一月戊午召近臣于龍圖閣觀御製文詞帝已朕聽覽之暇以翰墨自娛雖不足垂範亦平生遊心於此宰臣丁謂請鑲板宣布庚申內出御製七百二十二卷付宰臣

按玉海姚鉉集唐文粹百卷祥符四年祀汾陰后土之月集文粹成古賦樂章歌詩贊頌碑銘文論箴表傳錄書序止以古雅爲命不以彫篆爲工天禧四年六月鉉子嗣復上之癸巳以嗣復爲永城簿

按晁公武讀書志鉉字寶臣廬州人采唐世文章分門編類初爲五十卷後復增廣之爲薛映猗其事卒後其子以其書上詔藏內府

仁宗天聖元年修天章閣奉安眞宗御集

按宋史仁宗本紀不載 按職官志天章閣天禧四年建在會慶殿之西龍圖閣之北仁宗即位修天章閣畢以奉安眞宗御集

景祐三年張觀等上所編集庫書 按宋史仁宗本紀不載 按玉海景祐初命翰林學士張觀知制誥李淑宋郊編四庫書判館閣官覆視錄校二上經史八千四百二十五卷明年上子集

萬二千三百六十六卷差賜官吏器幣就寢輔臣兩制館閣官進管勾內待官一等

嘉祐八年以仁宗御書集藏於寶文閣

按宋史仁宗本紀不載 按職官志寶文閣在天章閣之東西序羣玉藻珠殿之北即舊書昌閣慶曆改名曰寶文嘉祐八年英宗即位詔以仁宗御書御集藏於閣命王珪撰記立石

哲宗元祐四年十月蘇轍上神宗御集藏寶文閣

按宋史哲宗本紀元祐四年冬十月戊申翰林學士

蘇轍上神宗御集藏寶文閣

元祐六年十月編修神宗御製官轉秩加賞

按宋史哲宗本紀元祐六年十月癸未編修神宗御製官轉秩加賞

元符元年建顯謨閣藏神宗御集

按宋史哲宗本紀不載 按職官志元符元年建閣藏神宗御集以顯謨爲名

徽宗建中靖國二年四月詔毀程頤文字及三蘇秦黃等文集

按宋史徽宗本紀建中靖國二年四月戊寅詔毀程頤出身文字其所著書令監司覺察乙亥詔毀刊行唐鑑并三蘇秦黃等文集

崇寧元年賜宰臣重修神宗御集

按宋史徽宗本紀不載 按玉海崇寧元年宰臣謝賜重修神宗皇帝御集

大觀二年建徽猷閣以藏哲宗御集

按宋史徽宗本紀不載 按職官志大觀二年初建徽猷閣以藏哲宗御集置學士直學士待制等官

宣和六年詔有收藏哲宗御集之文者並令焚毀

按宋史徽宗本紀宣和六年冬十月庚午詔有收藏哲宗御集之文者並令焚毀犯者以大不恭論

高宗紹興十年五月名徽宗御製閣曰敷文

按宋史高宗本紀紹興十年五月甲申名徽宗御製閣曰敷文 按職官志敷文閣紹興十年置徽宗御製聖製置學士等官 按陳桷傳紹興十年復名爲太常少卿適編類徽宗御書成詔藏敷文閣桷以爲舊制自龍圖至徽猷皆設學士待制雜壓著令龍圖在朝請大夫之上至徽猷在承議郎之上每閣相去稍遠議者疑其不倫直敷文閣者纔徽猷則與諸閣小異降之則班列太卑欲參酌取中並爲一列不必相遠庶幾各位有倫仰稱陛下嚴奉祖宗謨訓之意

孝宗乾道元年御製蘇軾文集贊

按宋史孝宗本紀不載 按玉海乾道元年閏正月御製蘇軾集贊其序曰成一代之文章必能立天下之大節

淳熙四年命呂祖謙彙次宋文鑑

按宋史孝宗本紀不載 按玉海孝宗命著作郎呂祖謙發三館四庫之所藏哀緒神故家之所錄斷自中興以前彙次古賦詩騷典冊詔語表章奏疏策銘贊頌碑記論序書啓雜著以至律賦經義定爲一百五十卷承詔於淳熙四年之仲冬奏御於六年之正月賜名曰皇朝文鑑

淳熙六年宋文鑑成命周必大作序

按宋史孝宗本紀不載 按玉海呂祖謙承詔于淳熙四年之仲冬奏御於六年之正月賜名曰皇朝文鑑而命周必大爲之序略曰建隆雍熙之間其文偉

咸平景德之際其文博天聖明道之辭古熙寧元祐之辭遠大雅之詩械模官人也早麓受祖也俱以作

人爲言蓋魚躍于淵氣使之也追琢其章理貫之也雲漢昭於上豈弟施於下濟濟多士其有不觀感而

化者乎先是臨安書坊有江錫新編文海淳熙四年十一月丁酉命校正刻板壬寅學士周必大名對清

華閣奏委館閣官銓擇甲辰以命祖謙因請增益銓次庚戌許之 又云六年正月癸未上對大臣問之

祖謙乃以書進二月壬戌除祖謙直秘閣丙午命必大撰序四月辛卯賜名文鑑後別命他官修定而錢

板之議寢孝宗謂采取精詳有益治道朱文公謂此書編次篇篇有意

淳熙八年命周必大校文苑英華以進

按宋史孝宗本紀不載 按玉海孝宗以祕閣文苑英華本多舛錯命周必大校讎以進淳熙八年正月二十二日以一百十冊藏祕閣

淳熙十五年十一月建煥章閣藏高宗御集

按宋史孝宗本紀淳熙十五年十一月庚子建煥章閣藏高宗御集 按職官志煥章閣淳熙初建藏高宗御製十五年置學士等官

寧宗慶元二年五月建華文閣以藏孝宗御集

按宋史寧宗本紀慶元二年甲午建華文閣以藏孝宗御集 按職官志華文閣慶元二年置藏孝宗御製置學士等官

嘉泰元年十月編光宗御集

按宋史寧宗本紀嘉定元年冬十月甲辰編光宗御

集而命周必大爲之序略曰建隆雍熙之間其文偉

咸平景德之際其文博天聖明道之辭古熙寧元祐

之辭遠大雅之詩械模官人也早麓受祖也俱以作

人爲言蓋魚躍于淵氣使之也追琢其章理貫之也

雲漢昭於上豈弟施於下濟濟多士其有不觀感而

化者乎先是臨安書坊有江錫新編文海淳熙四年

十一月丁酉命校正刻板壬寅學士周必大名對清

華閣奏委館閣官銓擇甲辰以命祖謙因請增益銓

次庚戌許之 又云六年正月癸未上對大臣問之祖謙乃以書進二月壬戌除祖謙直秘閣丙午命必大撰序四月辛卯賜名文鑑後別命他官修定而錢板之議寢孝宗謂采取精詳有益治道朱文公謂此書編次篇篇有意

淳熙八年命周必大校文苑英華以進

按宋史孝宗本紀不載 按玉海孝宗以祕閣文苑英華本多舛錯命周必大校讎以進淳熙八年正月二十二日以一百十冊藏祕閣

淳熙十五年十一月建煥章閣藏高宗御集

按宋史孝宗本紀淳熙十五年十一月庚子建煥章閣藏高宗御集 按職官志煥章閣淳熙初建藏高宗御製十五年置學士等官

寧宗慶元二年五月建華文閣以藏孝宗御集

按宋史寧宗本紀慶元二年甲午建華文閣以藏孝宗御集 按職官志華文閣慶元二年置藏孝宗御製置學士等官

嘉泰元年十月編光宗御集

按宋史寧宗本紀嘉定元年冬十月甲辰編光宗御

集

嘉泰二年置寶謨閣藏光宗御集

按宋史寧宗本紀不載 按職官志寶謨閣嘉泰二年置藏光宗御製置學士等官

開禧元年七月上高宗御集十二月修孝宗光宗御集

按宋史寧宗本紀開禧元年七月己卯韓侂胄等上高宗御集十二月癸丑修孝宗光宗御集

理宗寶慶二年十月名寧宗御集閣為寶章置學士等官

按宋史理宗本紀寶慶二年冬十月甲申詔寧宗御集閣以寶章為名仍置學士待制員 按職官志寶章閣寶慶二年置藏寧宗御製置學士等官

度宗咸淳元年六月名理宗御製閣曰顯文置學士等官

按宋史度宗本紀咸淳元年六月乙酉名理宗御製之閣曰顯文 按職官志顯謨閣咸淳元年置藏理宗御製置學士等官

咸淳九年六月初散郎師顯行進注皇朝文鑑

按宋史度宗本紀咸淳九年六月丙辰朝散郎師顯行進注皇朝文鑑

金

章宗明昌二年四月學士院新進唐杜甫等集二十六部

按金史章宗本紀四月己亥學士院新進唐杜甫韓愈劉禹錫杜牧賈島王建宋王禹偁歐陽修王安石蘇軾張耒秦觀等集二十六部

集部彙考二

漢賈誼長沙集 卷

按明張溥題詞屈原為楚懷王左徒入議國事出對諸侯漢見親任賈生年二十餘吳廷封言於漢文帝一歲中起遷至大中大夫此兩人者始何常不遇哉

諫積忌行欲生無所比古之懷才老死終身不得見人主者悲傷更甚即漢大臣若絳灌東陽數短賈生亦武夫天性不便文學未必諷人罔極如上官子蘭也太史公傳而同之悼彼短命無異沉江漢廷公卿

莫能材賈生而用也蔽於不知猶楚語人耳賈生治安策其大者無過減封爵重本業教太子禮大臣數者於天子其忠敬於功臣宿將無不利也怒之深而遠之疾何為乎史記不載疏策班固始條列之世謂

於賈生有功然身既疎退哭泣而死焉用文為太史公闕而不錄其哀賈生者深也時政諸疏雖見新書顧倫理博通不如本疏揣摹家庭登獻華屋草創潤色意者亦有殊途乎騷賦辭清而理哀其宋玉景差之徒歟西漢文章莫大乎是非賈生其誰哉

司馬相如文園集 卷

按張溥題辭梁昭明太子文選登采絕嚴獨於司馬長卿取其三賦四文其生平壯篇略具殆心篤好之沉涵終日而不能舍也太史公曰長卿賦多虛辭蓋說要歸節儉與詩諷諫何異余讀之良然子虛上林非徒極博實發於天材揚子雲銳精揣鍊僅能合轍然疎密大致猶漢書於史記也美人賦風詩之尤上掩宋玉蓋長卿風流誕放深於論色即其所自敘傳琴心善感好女夜亡史遷形狀安能及此他人之賦

賦才也長卿賦心也得之於內不可以傳彼會與盛長通言之歌合組賦列錦均未喻耳微賦書長楊志直馳檄發難巴蜀疎聽慕蘭生之泥池跨唐蒙於絕域赤車駟馬足名丈夫抑其文皆賦流也生賦長門沒留封禪英主怨后思眷不忘豈偶然乎

董仲舒膠西集 卷

按張溥題詞史記儒林傳載廣川董氏與胡毋生春秋同列無大褒異至漢書始特為立傳贊述劉子政與劉歆劉向言論抑揚其辭以寄鄭重凡人輕今貴古賢者不免太史公與董生並遊武帝朝或心易之孟堅後生本先儒之說推崇前輩則有叩頭戶下耳

正諍明道西漢絕學遂為儒宗三策三對君臣喜起文章大醇體記儻也公孫用事同學懷妬出相膠西謝病自免悲哉董生向賦不遇今其然耶然尊孔氏斥百家立學校舉茂孝王者制度皆發自董生身雖發言何嘗不顧哉高廟燔災開居擬對私家書也主父挾奏呂生妄議下吏當死漢法失刑與誅腹誅何殊朱儒因武帝好殺窮跡淮南曲罪董生一對上啓殘賊將生罪反居張湯上乎非論之平也

東方朔大中集 卷

按張溥題辭東方曼倩求大官不得始設客難揚子雲草太元乃作解嘲學者爭慕效之假主客遣抑鬱者篇章疊見無當玉卮世亦頗厭觀之其體不尊同於游戲然二文初立詞鋒競起以蘇張為輪攻以荀鄒為墨守作者之心實命奇偉隨者自貧彼不任咎未可薄連珠而笑士衡鄒七體而議枚叔也曼倩別傳多神怪不足盡信即史書所記拔劍割肉醉遺殿

上射覆隱語榜楚舍人侏儒徘徊其跡相近及諫起上林面責董偃正言嶽嶽汲長孺猶病不如何况公孫丞相以下誠子一詩兼包道德兩篇其藏身之智具焉而世皆不知漢武歎其藏星劉向次於列仙事或有之此非浮沉冥行直諫事雄主其誠難哉

王褒諫議集 卷

按張溥題詞漢書嚴助朱買臣吾丘壽王主父偃徐樂嚴安終軍王褒賈捐之九人同傳令終者鮮惟子雲棄繻子淵作頌名高齊蜀而天病隨之即身非鼎烹能無惡辨命乎聖主賢臣文辭采密其排彭祖厭喬松歸之文王多士以祝壽考意主規諷諫長卿之子虛上林游戲苑囿有戒心焉乃蜻蛉神見持節南崖金馬碧雞光景未來使者先煩彼所刺者神仙而不能抗辭於街命烏得云善諫哉甘泉洞簫後宮誦讀僅約諧放頗近東方元帝為太子時忽忽不樂惟子淵奇文足起體疾以此賢於博奔信矣九懷之作追愍屈原古今才士其致一也執握金玉委之汚瀆他人有心誰能不怨大氏王生俊才歌詩尤善奏御天子不外中和諸體然辭長於理聲偶漸諧固西京之一變也

褚少孫集 卷

按張溥題詞張晏云褚先生潁川人仕元成間章稜云褚顯家傳褚少孫梁相褚大弟之孫宣帝時為博士寓居於沛事大儒王式故號為先生潁太史公書而先生自述亦云幸得以經術為郎其記外戚問之鍾離生記梁孝王問之宮殿中老郎更編列三王封策取之長老好故事者慎哉所聞與子長稱董生靈

大夫何以異史記中孝武本紀禮樂二書皆傳為褚生所補論者謂武帝好功利多制作史臣備集行事其可觀感必有大於秦皇諸紀者乃僅取封禪書充之闕如自在禮書本荀卿樂書本樂記載太史公語無多本朝有司何遽失傳盡繇褚生才薄折足匪任然讀其所記景帝王后武帝尹邢兩夫人與梁王巴仁任安諸逸事及滑稽六章日者龜策二傳錯綜爾雅狀形貌綴古語竟有似太史公者說令兩人生同時官同舍子長主書褚生為副繙閱金匱成就必廣又令各撰一史如淮南八公之徒聞見角立相視而笑未必不為莊周之許惠施也予為探列獨出使世知龍門而下扶風而上尚有褚生以當史家小山云

劉向中壘集 卷

按張溥題詞漢膠侯劉路叔長者也頗修黃老術治淮南獄時得其枕中鴻寶苑祕書于子政因而誦讀獻之人主鑄金不成繫獄當死路叔上書願罪亦遭史劾好奇買禍禍白主者且為父咎云元帝初立忠直輔政寺人譖慙復困犴獄至今讀其封事忠愛憤但義兼詩書成帝尚文心嚮子政配於王氏不能大用連章諫言僅告無罪而已夫屈原放廢始作離騷子政疾謫八篇乃顯同姓忠精感慨相類左徒當日諫書不傳彼蓋事之口舌其著者張儀一事耳子政苦口終身不倦年餘七十惓惓漢宗感災異而論洪範戒趙衛而傳列女鑒往古而著新序說苑其書皆非無為而作者也雖九歎深雅微謝騷經其他文詞宏博足相當矣太史公屈原傳云原死後楚日削竟為秦滅班孟堅云子政卒後十二歲王氏代漢此兩

人係社稷輕重何如哉

劉歆子駿集 卷

按張溥題詞王莽篡漢甄豐劉歆王舜為其腹心豐舜不足道歆宗室宿儒胡為僕僕符命同賣餅兒也甄尋之變劉棻兄弟三人皆死歆始怨懼後與王涉董忠謀誅莽傍徨太白漏言婦人遂自殺也班史謂歆初心輔莽圖富貴謀至加號安漢宰衡而止事不出於居攝即真以後內畏不安懷變有日此固寬為之辭然論歆罪幽州羽山流殛猶小矣子政三子皆好學長子伋以易教授官至郡守中子賜九卿丞早卒而少子歆最知名令歆繼父業校祕書領五經死於哀帝之世官以督尉終其名豈不出兩兄上而冒榮國師投跡亂逆悲乎其壽也左傳未立移書責讓子雲為友求索方言至洪範傳著天人七略綜百家三統歷譜考步日月五星此非古鉅儒耶讀其書益傷其人則有掩卷爾

揚雄侍郎集 卷

按張溥題詞劇秦美新諛文也後世勸進九錫皆權輿焉元后諫哀思文母盛譽宰衡猶然美新豈有周人申后之思乎予嘗疑子雲者老清靜王莽之世身向日景何愛一官自奪元守班史作傳亦未顯譽其符命之作傳聞真偽尚在龍蛇間或者莽善誑耀頌功德者遍海內莫不高三皇魏五帝子雲美新猶頌醢醢鮮醢孟堅讀而不怪也法言世貴太元後顯並輔六經而行河東甘泉長楊羽獵四賦絕倫自比諷諫相如不死逐貧賦長於解嘲釋愁送窮文士調脫多原於此十二州二十五官箴虞書魯頌之遺也酒

箴滑稽陳遵見而拊掌寧讓淳于髡說酒哉
後漢馮衍曲陽集 卷

按張溥題詞馮敬通以野王之孫不仕王莽天下兵起說廉丹棄新就漢懇款再三丹不悟而死後歸更始與鮑永田邑拒光武屢招不下更始歿適降身亦終廢其所著賦誄銘說問交德語慎情書記說自序官錄說策五十篇遺逸者多即今所傳慷慨論列可謂長於春秋夫西京之文降而東京整齊縝密生氣漸少敬通諸文直達所懷至今讀之尚想見其揚眉抵几呼天飲酒誠哉馬遷楊惲之徒也北地任女情好不倫書詞詆訶如磔狐鼠彼惟不得志於時故發憤於中粹然亦足為如婦戒矣幅巾歸誠僇郡邑陰侯之交亦非得已復以此獲罪幾死獄門窮困無徒空文自老回思委贊更始橫刀并土之日事同隔世陸機謂之曰怨江淹之名以恨其知心乎建武八事其書不傳自陳哀惻不蒙見答上慚鮑子下愧田生志命與漢之臣而一生蹈後夫之罰是真雨而裴堂而裴矣顯宗欲用其身而毀者日至肅宗重其文而其人已死馮氏多賢遇者希少新豐地脈又安在哉孟堅詳雅平子淵博高步東漢若言鬱達激昂鷹揚文固則必首敬通云

班固蘭臺集 卷

按張溥題詞安陵班叔皮清淨守道有二令子孟堅文章領著作仲升武節威西域天下之奇在其一門漢世無比仲升功名拔傳介子張養以上孟堅晚節竟厥不起亡時與蔡中郎同年又以竇氏賓客為洛陽種令所捕繫頓辱更甚私心痛其才同厥考而志

恥薄宦冒進失當不若望都長優游以終也叔皮專心史籍欲撰漢史孟堅踵就其業為人誣訟陷身獄網仲升馳闕分明轉禍為福厄哉漢書之得成更兩世間變故如其不易也兩都做上林賓戲擬客難典引居封禪美新之間大體取象前型制以心極而師覆徒奔反在燕然片石夫惟大雅既明且哲豈孟堅亦讀而未之詳乎

崔駰亭伯集 卷

按張溥題詞漢肅宗好崔亭伯文章稱於寶憲有真龍之目憲遂揖為上客自古文人遭時遇主未或無因而前趙良驛人長卿狗監作合之始不辭汚泥亭伯以四頌結知天子躬親薦達貴臣曳屣進門其榮重亦百世一時也寶氏驕恣屢獻規諫忤意見疎樂浪小邑竟長甘肥遞披其文詞十過杜欽之說王鳳矣亭伯少與班傳齊名未遑仕進時或譏其元靜乃作達旨以匹解嘲立言之致初若符節及其終也子雲抱恨於投閣亭伯成名於遼陰文之為文非言之難行之難也崔氏顯人西漢代有崔發詔事王莽官至司空崔篆羞之閉門榮陽重自傷悼而賦慰志言及建新其恥同於氓詩之堽垣復關也亭伯處士年少簞刺貴戚翻然高蹈無忝先子此之謂乎何必銘昆吾之鼎勒景襄之鐘然後名得意哉

蔡邕中郎集 卷

按張溥題詞董卓卓犖戾賊臣折節名士陳留蔡中郎時已六十許人令稱疾堅臥偃蹇遇害不猶愈昔日死洛陽獄乎勉強受官侍中封侯噫嘆之下身名並隕雖王司徒輕戮善人識者知其不長然周歷三臺

鼓琴贊事杜欽谷永之請終不能為中郎解也余揣其徙朔方避江海四形毀貌不親天日幾十五年驟登大官隆遇待非不欲奮其拳拳之忠補益國家當日公卿滿朝朝遲危亂金章赤芾豈獨中郎但識不鑒於此匪謀不出於討賊嚙口牢獄受莫能助伯喈曠世逸才余獨傷其讀春秋未盡善耳漢史未成願就鯨則子長腐刑之志也設竟其意即不如子長豈出孟堅下哉若家門清白三世同居却五侯之招陳六事之本憂心虹蜺抵觸禁近抱子政之悃惓蹈京房之禍患又班生所望景先逝矣

荀悅侍中集 卷

按張溥題詞西豪荀氏楚蘭陵今後裔也季和八龍名稱極盛諸孫若仲豫文若並為時所知然文若娶婦中官依身逆賊壽春飲藥進退觸藩雖何願目以王佐曹操謂為子房徒虛聲耳豈及仲豫周旋故君志存獻替哉文若佐操舉事擒呂布破袁紹奉迎車駕徙都許昌成出其謀以彼英才說詩書論禮樂言堂滿堂寧遜北海而掌握橫橫疲精軍旅鴻毛一死銅雀先驅萬世而下竟無一卷足傳者仲豫性沉靜好著述隱居託疾不入閭官網羅及事獻帝談論禁省慎曹氏之執政哀天子之恭己既作申鑒復撰漢紀余觀立典五志知其永懷西京惓惓不寐也諸論上倣過秦下倣騷騷較班馬扼諱其辭直矣高陽才子德業世濟能立言者慈明仲豫耳余於此益悲敬侯之無年也

張衡河間集 卷

按張溥題詞東漢之有班張猶西漢兩司馬也相如

孔融少府集 卷

按張溥題詞魯國男子孔文舉年大於曹操二歲家世聲華曹氏不敢其詩文益非操所敢望也操殺文舉在建安十三年時情形已彰文舉既不能誅之又不能遠之並立袁朝戲謔笑傲激其忌怒無帶肉餒餒虎此南陽管樂所深悲也曹不論文首推北海金帛募錄比於揚班脂元升往哭文舉官以中散不好賢知文十倍於操然令文舉不死親見漢帝禪受當塗盜鼎亦必舉族沉焚所恨者其死先操狐鼠晏行攘袂之日天下遂無孔父仇牧耳文舉天性樂善甄臨配食虎賁同坐死不相負何況生存盛惠困於孫權操首急難禰衡謝淪落下士抗章推舉今讀其書表如鮑子復生禽息不沒彼之大度豈止六國四公子乎而道窮命盡不能庇九歲之男七歲之女天道無親其言不信猶黨錮餘烈哉陳留路粹中郎弟子也呈身漢賊奏殺賢者與馬融役於梁冀等耳東漢詞章拘密獨少府諸文豪氣直上孟子所謂浩然非耶琴堂衣冠客滿酒盈予尚能想見之

蜀漢諸葛亮丞相集 卷

按晉陳壽進序臣壽等言臣前在著作郎侍中領中書監濟北侯臣荀勗中書令關內侯臣和嶠奏使臣定故蜀丞相諸葛亮故事亮毗佐危國負阻不賓然猶存錄其言恥善有遺誠是大晉光明至德澤被無疆自古以來未有倫也輒刪除復重隨類相從凡為二十四篇篇名如右亮少有逸羣之才英霸之器身長八尺容貌甚偉時人異焉遭漢末擾亂隨叔父元避難荆州躬耕於野不求聞達時左將軍劉備以

怒乎東巡頌賀古言簡似季長韜光之作安帝見而奇之召拜郎中文之遇不遇豈人意所及哉西羌反叛馬賢胡嘯雷兵不進季長懷河上之憂上書求効又陳星字參畢戎狄將起觀其撫時奮發誠取備冠同腐草木乃心懲鄧氏恐怖梁冀既頡將軍西第又誣奏李太尉於死代代人匠斷點染名賢斯文墜地百身莫贖矣季長注孝經云忠猶有關連仲尼之說而作忠經其文常人耳及讀本傳並未云季長作忠經然則忠經果馬氏之書歟予不敢信也范史議融慮深垂堂不及胥靡予亦哀其儒者風流自隕漢陽之節重負南山擊季直矣

王逸叔師集 卷

按張溥題詞屈原在楚平王時以忠被疎作離騷經頃襄王立放之江南復作九歌天問九章遠遊卜居漁父大招自沉汨羅其後楚宋玉作九辯招魂漢賈誼作惜誓淮南小山作招隱士東方朔作七諫嚴忌作哀時命王褒作九懷劉向作九歎皆擬其文漢武時淮南王安始作離騷傳向與校經書分為十六卷東京班固實遠各作離騷章句餘十五卷闕而不說王逸復作十六篇章句又續為九思取班固二序附之為十七篇今世所行離騷皆王本也東漢文苑王叔師父子皆有文名考靈光殿賦與夢賦二篇世共傳誦叔師文少有習者讀離騷乃見之矣文字存亡常有時命或存已集或附他書俱可不散天壤叔師騷註即不能割本書獨行然自以為與原同產南陽風土哀思有足親者章句諸篇與遺文並錄不類巨山詩序康成詩譜哉

無史子長無賦孟堅兼之豈後來者欲居上乎抑其文不能齊也平子官侍中請專史職條錄三皇更改僭紀龍門之志也上書不聽典章散略誰之咎歟渾儀靈憲網絡天地振龍發機應驗若神子雲復生未容抗跡二京之賦覃思十年長楊羽獵風猶可續准子玉作碑稱河間制作譬諸造化想慕若此寧異平子耽好元經嘆為漢四百歲書哉政權下夷圖讖繁興發憤陳論務矯時枉斯又昔者揚雄所無也同聲麗而不淫四愁遠慕正則蔡邕舉烏秦嘉述婚俱出其下謂之好色謂之思賢其日可矣時有遇否性命難求與世汎汎曷若歸而諷河洛六藝八十一篇乎始於應間終於思元固平子之生平也

李尤伯仁集 卷

按張溥題詞後漢書文苑二十人李伯仁與其選亦蘭臺文章之傑也傳云著詩賦銘誄七歎哀典凡二十八篇今誄頌哀典俱不見七歎無傳惟有七款豈歎字之訛耶其文寂寥非枚叔比也詩有九曲歌間屬閨文賦五首微質雅擬之上林長楊則泰山丘垤也當時薦者稱其文有相如揚雄風何故銘八十餘多體要之作及所匠意於子雲百官箴得其深矣摯仲洽議以穢病屈諸王莽鼎銘之下抑文家以少言為貴而多者難於見工也

馬融季長集 卷

按張溥題詞漢世通儒並推季長盧承郡鄭北海咸出其門家世貴戚居養豐渾即坐高堂施絳帳著書授生徒以老亦足以傳何汲汲榮仕也廣成一頌雕鏤萬物名雖諷諫鄧氏意在炫才感眾寧知適逢彼

亮有殊量乃三顧亮於草廬之中亮深謂備雄姿傑出遂解帶寫誠厚相結納及魏武帝南征荊州劉琮舉州委質而備失勢眾寡無立錐之地亮時年二十七乃建奇策身使孫權求援吳會權既宿服仰備又親亮奇雅甚敬重之即遣兵三萬人以助備備得兵與武帝交戰大敗其軍乘勝克捷江南悉平後備又西取益州益州既定以亮為軍師將軍備稱尊號拜亮為丞相錄尚書事及備殂沒嗣子幼弱事無巨細亮皆專之於是外連東吳內平南越立法施度整理戎旅工械技巧物究其極科教嚴明賞罰必信無惡不懲無善不顯至於吏不容奸人懷自勵道不拾遺強不侵弱風化肅然也當此之時亮之素志進欲龍驤虎視包括四海退欲跨陵邊疆震蕩宇內又自以為無身之日則未有能蹈涉中原抗衡上國者是以用兵不戢屢耀其武然亮才於治戎為長奇謀為短理民之幹優於將略而所與對敵或值人傑加眾寡不侔攻守異體故雖連年動眾未能有克昔蕭何薦韓信管仲舉王子城父皆付己之長未能兼有故也亮之器能政理抑亦管蕭之亞匹也而時之名將無城父韓信故使功業陵遲大義不及邪蓋天命有歸不可以智力爭也青龍二年春亮帥眾出武功分兵屯田為久駐之基其秋病卒黎庶追思以為口實至今梁益之民咨述亮者言猶在耳雖甘棠之詠召公鄼人之歌子產無以遠譬也孟軻有云以逸道使民雖勞不怨以生道殺人雖死不忿信矣論者或怪亮文彩不豔而過為丁寧周至臣愚以為各縣大賢也周公聖人也考之尚書咎繇之謨略而雅周公之詰

煩而悉何則咎繇與舜禹共談周公與羣下矢誓故也亮所與言盡眾人凡士故其文指不得及遠也然其聲教遺言皆經事綜物公誠之心形於文墨足以知其人之意理而有補於當世伏惟陛下邁蹤古聖蕩然無忌故雖敵國誹謗之言咸肆其辭而無所革諱所以明大通之道也謹錄寫上詣著作臣壽誠惶誠恐頓首頓首死罪死罪奉始十年二月一日癸巳平陽侯相臣陳壽上

按張溥題詞諸葛亮甫吟古今諷誦然遙望蕩陰懷齊三士此不過好勇輕死者流何關管樂神明悲吟不止或云梁甫泰山下小山也人君有德則封東嶽諸葛王佐才思封禪而不得見躬耕龍畝歌謠託志田疆之倫豈所慕哉出師二表遠匹伊訓正義兩篇亦湯誓大誥之遺餘則赫蹏數字能使憾夫解離壯士剗頸開誠布公集思廣益一生靖獻之本施於僚佐賢愚悉心所自然耳戒子書云學以廣才靜以成學周孔之教也晉世有寫其辭偏勸諸子者其理學始基乎後主暗弱黃皓陰狡武鄉復親督師旅不居密勿而君臣魚水常如先帝時東山金縢似反遜之志則同也郭鳩星隕魚復遺恨國勢三分臣心無二討賊而死始答顧命豈自違隆中之言哉陳壽立評未極能事崔浩致詰無當論功唐裴晉公蓋非之矣

欽定古今圖書集成理學彙編經籍典

第四百七十二卷目錄

集部彙考三

魏武帝集 明張溥題詞

魏文帝集 張溥題詞

曹植陳思王集 宋晁公武題 明李夢陽序 張溥題詞

陳琳孔璋集 一名記室集 張溥題詞

王粲仲宣集 一名侍中集 張溥題詞

阮瑀元瑜集 張溥題詞

劉楨公幹集 張溥題詞

應璩德璉應瑒休璉集 張溥題詞

阮籍嗣宗集 一名步兵集 明陳德文序 張溥題詞

嵇康中散集 張溥題詞

鍾會司徒集 張溥題詞

晉杜預征南集 張溥題詞

荀勗公曾集 張溥題詞

傅元鴛鴦集 張溥題詞

張華茂先集 一名司空集 張溥題詞

孫楚子荆集 一名弔胡集 張溥題詞

摯虞太常集 張溥題詞

束皙陽平集 一名廣徵集 張溥題詞

夏侯湛常侍集 張溥題詞

潘岳黃門集 張溥題詞

傅咸中丞集 張溥題詞

潘尼太常集 張溥題詞

陸機平原集 張溥題詞

陸雲清河集 張溥題詞

成公綏千安集 張溥題詞

張載孟陽張協景陽集 張溥題詞

劉琨中山集 一名越石集 張溥題詞

郭璞弘農集 張溥題詞

王羲之右軍集 張溥題詞

王獻之小令集 張溥題詞

孫綽廷尉集 張溥題詞

晉陶潛靖節集 一名彭澤集 梁昭明太子序 張溥題詞

宋何承天衡陽集 張溥題詞

傅亮光祿集 張溥題詞

謝靈運康樂集 張溥題詞

顏延之光祿集 張溥題詞

鮑照參軍集 張溥題詞

袁淑忠憲集 一名陽源集 張溥題詞

謝惠連法曹集 張溥題詞

謝莊光祿集 張溥題詞

齊蕭子良竟陵集 張溥題詞

王儉文憲集 梁任昉序 張溥題詞

王融寧朔集 張溥題詞

謝朓宣城集 張溥題詞

張融長史集 張溥題詞

孔稚圭詹事集 張溥題詞

經籍典第四百七十二卷

集部彙考三

魏武帝集三十卷

按明張溥題詞孟德瑞應黃星志窺漢鼎世遂謂梁沛真人天下莫敵究其初一孝廉也曹嵩爲長秋養子生出莫審官登太尉經董卓之亂避難那那陶徐州戮之直撲殺常侍兒耳孟德奮跳當塗大振易漢而魏雖附會曹參難洗宗恥間讀本集苦寒猛虎短歌對酒樂府稱絕又助以子桓王建帝王之家文章瑰瑋前有曹魏後有蕭梁然曹氏居最矣孟德御軍三十餘年手不捨書兼草書亞崔張音樂比桓蔡圍棋埒王郭復好養性解方藥周公所謂多才多藝孟德誠有之使彼不稱王謀篡復與周旋畫講武策夜論經傳或登高賦詩被之管絃又觀其射飛鳥擒猛獸殆可終身忘老乃竟甘心作賊者謂時不我容耳漢末名人文有孔融武有呂布孟德實兼其長此兩人不死殺孟德有餘述志一令似乎欺人未嘗不抽序心腹慨當以慷也

文帝集二十三卷

按張溥題詞曹子桓生長戎旅之間善騎馬左右射又工擊劍彈碁伎能戲弄不減若父其詩歌文辭彷彿上下即不堪弟畜陳思爲孟德大兒固有餘也魏王帝業無足稱惟令宦人爲官不得過諸署令詔群臣不得奏事太后后族家不得當輔政任石室金策可寶萬世彼親見漢室炎隆女主中人手撲滅之麥秀黍離傷心目霸朝初創力更舊轍至待山陽公以不死禮遇漢老臣楊彪不奪其志盛德之事非孟

德可及當日符命獻說聖綬被躬率衆推奉時與勢迫倘建安君臣有能爲武庚比干者或觀望却步竟保常節未可知也典論自序善述生平論文一篇直自言所得與王朗書務立不朽於著述間不肯以七尺一棺畢其生死雅慕漢文歿而得諡長云厚幸占其志趣亦古諸侯之博聞者也甄后塘上陳王豆歌損德非一崇華首陽有餘恨焉

曹植陳思王集十卷

按宋晁公武題陳思王集十卷魏曹植子建撰太祖子也文帝封植爲陳王卒年三十一諡曰思王十歲餘誦讀詩論及詞賦數十萬言善屬文援筆立成自少至終篇籍不離手按魏志景初中撰錄植所著賦頌詩銘雜論凡百餘篇隋志植集三十卷唐志植集二十卷今集十卷比隋唐本有亡逸者而詩文近二百篇溢於本傳所載不曉其故云

按明李夢陽序予讀植詩至悲調怨歌贈白馬浮萍等篇暨觀求試審舉等表未嘗不泣然出涕也曰嗟乎植其音宛其情危其言憤切而有餘悲殆處危疑之際者乎予于是知魏之不競矣先王之建國也重本以制外敦睦以敘理然後疎戚有等治具可張故曰九族既睦平章百姓又曰至于兄弟以御于家邦魏操以雄詐智力盜取神器丕席父業遍禪據尊乃不赴時改行効重本敦族之計而顧凋剪枝幹委心異族有弟如植俾之危疑禁錮賄事扼腕至於長歎流涕轉徙悲歌不能自已嗟乎予于是知魏之不競矣且以植之賢稍自矜飭奪儲特反掌耳而乃縱酒沉晦以明已無上兄之心善乎文中子曰陳思王達

理者也以天下讓而猶衷曲莫白窘迫歿身至今豆其之吟吁嗟之歌令人慘不忍讀不之于兄弟誠薄矣嗟乎此魏之所以爲魏也矣按植審舉表云權之所在雖疏必重勢之所在雖親必輕予嘗撫卷歎息以爲名言其又曰取齊者田族分晉者趙魏意若暗指司馬氏者殷號明主乃竟亦不悟卒使植憤悶發疾以死悲夫而或以爲扶蘇殺而秦滅李札藏而吳亂天之意非爲扶蘇季札將以滅秦而亂吳也若是則魏之不能用植固亦天棄之矣然予又獨怪操之能生植焉豈亦所不能係世類者哉

按張溥題詞余讀陳思王責躬應詔詩泣然悲之以爲伯奇履霜崔子渡河之屬既讀升天遠遊仙人飛龍諸篇又何翻然遐征覓思方外也王初蒙寵愛殘爲太子任性章蠶中受拘繫名爲懿親其朝夕縱適反不若一匹夫徒步慷慨請試求通親戚賈誼奮節于匈奴劉勝低首于聞樂斯人感慨豈空云爾哉司馬氏睥睨神器魏忽不祀彼所綱總者藩防而取代者他族思王之言不再世而驗然則審舉諸文固魏宗之磐石也集備羣體世稱續虎其名不虛即自然深致少遜其父而才大思麗兄似不如人但見文帝居高陳王伏地遂謂帝王人臣文體有分恐淮南中壘不爲武成受屈也黃初二令省愆悔過詩文佛鬱音成于心當此時而猶泣金枕賦感甄必非人情論者又云禪代事起于建發服悲泣使其嗣爵必終身臣漢若然則王之心其周文王乎余將登箕山而問許由焉

陳琳孔璋集 卷

按張溥題辭何進謀誅宦官召兵四方陳孔璋時爲主簿讜言禍害其意智豈讓曹操哉棲身冀州爲袁本初草檄詆操心誠輕之奮其怒氣辭若江河及窮窘歸操預管記室移書吳會即盛稱北方無異劇秦美新文人何常惟所用之茂惡爾予更憐相齟齬愜慙也孔璋詩賦非時所推高武軍之賦久乃見計於葛稚川今亦不全他賦絕無空羣之名詩則飲馬遊覽諸篇稍見寄託然在建安諸子中篇最寂寥子桓兄弟亦少酬贈元瑜傷寒婦仲宣好驢鳴沒而繫思不可得也彼所出塵惟章表書記孟德善用長鼓舞風雲遂捐宿憾然魏武好雄生死欺人獨孔璋斥其奄醜士衡笑其香履足令垂頭帖耳後世即有善置者俱不及也

王粲仲宣集 卷

按張溥題辭袁顯思兄弟爭國王仲宣爲劉荊州遺書苦諫今讀其文非獨詞章縱橫其言誠仁人也昔穎考叔一言能感鄭莊使母子如初仲宣二書疾呼泣血無救問牆袁氏將喪頑子執兵即蘇張復生何益哉子桓子建交怨若仇仲宣婉變其間耦俱無猜身沒之後太子臨喪陳思作誄素旗表德頌言不忘彼固善處人骨肉亦絲其天性宿深長於感激不但和光宴誅爲兩公子樓護也孟德陰賊喜殺賢士仲宣誄史託諷黃鳥披文下涕幾秦風矣高平上冢世爲漢公遭時流離依徙荆許以七哀之悲爲顯廟之頌擇木而窮雅詳見志世謂其詩出李陵今觀書命亦相近也

阮瑀元瑜集 卷

按張溥題詞阮掾爲曹操遺書孫權文辭英拔見重魏朝文帝云書記翩翩致足樂也元瑜歿王傑誅之曰簡書如雨彈力敏成若是乎行人有詞國家光輝以之折衝禦侮其鄭子產乎予觀彼書潤澤發揚善辨若穀獨叙赤壁之敗流汗發輒口重語塞可知無情之言即懸幡擊鼓無能助其威靈也文質論雅有勁思若得優游述作勒成一家亦足與偉長中論翻翻上下迺諸子長逝元瑜最先遺文鬼名撫手痛悵至今傳其焚山應招鼓琴奏曲事亦在有無之間安得起彼九原更談文墨乎悲風涼日明月三星讀其諸詩每使人愁結則元瑜俯首曹氏嗣宗盤桓司馬父子酒歌各有不得已也

劉楨公幹集 卷

按張溥題詞魯國孔文舉廣陵陳孔璋山陽王仲宣北海徐偉長陳留阮元瑜汝南應德璉東平劉公幹魏文所稱文人七子也文帝云劉楨章表書記壯而不密又稱其五言詩妙絕當時今公幹書記傳者甚少知其物化以後遺失多矣集詩大悉五言詩品亦云其源出古詩思王而下楨稱獨步豈緣本魏文爲之申譽乎近日詩選痛貶建安亦度已述創他人足耳未若南皮鰲酌公議贈答當時得失相知者深也劉公幹贈五官中郎將詩有云昔我從元后整駕至南鄉過彼豐沛都與君共翔翔王仲宣從軍詩亦云籌策運帷幄一由我聖君嚴滄浪黜之謂元后聖君並指曹操心敢無漢大義批引二子固當叩頭伏罪然詩頗鋪張詞每過實文人之言豈必盡由中情故公幹平視甄夫人操收治罪文帝獨不見怒死後致

思悲傷絕絃中心好之弗聞其過也其知公幹誠猶鍾期伯牙云

應璩德璉集應璩休連集 卷

按張溥題詞德璉集鮮書記世所傳者止報龐公一牘耳休連書最多俱秀絕時表列諸辭令之科陳五公王景與其人也德璉善賦篇目頗多取方弟書文藻不敵詩雖比肩亦覺百一爲長休連火攻良可畏也魏祖二十二年徐陳應劉一時俱逝曹子桓輒申痛惜德璉周旋時主年位較遠規諷曹爽殷勤指諭憂思存焉汝南應氏世濟文雅德璉幸遇子桓時可著書忽化蒿萊美志不遂休連歷事二主喉舌可舒而世無賞音義存優孟嗟乎命也機雲著聲入洛載協齊名王府原其風流二應爲始低徊建章仰送朝鴈予猶喜其足傳耳

阮籍嗣宗集 卷

按明陳德文序世言阮嗣宗處魏晉之交身仕亂國而不罹禍陷志存刺譏而文多隱避曰嗟乎籍古人以明哲而遠害也今觀其諷懷八十一篇語莊義正曲高和寡脫屬於東陵寓言乎子晉怨凝楚曉心結首陽慘怛澁澁和平婉順庶幾哀而不傷百世之下信難以情測也計籍不死必不勸晉王必不仕司馬乃管幼安王偉元其優爲耳雖然律之中行則病矣要諸可與進取而有爲者

按張溥題詞嗣宗論樂史遷不如邇易達莊則王弼郭象二註皆其實內也以此三論垂諸藝文六家指要網羅精闢曹氏父子詞壇虎步論文有餘言理不足嗣宗視之猶輕塵于泰岱豈特其人種益哉諸賦

大言小言清風穆如間觀賦苑長篇爭麗兩京三都讀未終卷觸屏欲睡展觀阮作則一丸消殆曾懷盪滌惡可謂世無蒼草也晉王九錫公卿勸進嗣宗製詞婉而善諷司馬氏孤雛人主豺聲震怒亦無所加正言感人尚愈寺人孟子之詩乎誅懷諸篇文隱指遠定哀之時多微辭蓋斯類也

按張溥題詞嵇康清峻阮旨遙深兩家詩文定論也叔夜著文論六七萬言唐志猶有十五卷今存者僅若此殆百一耳然視建安諸子篇章彫落斯又歸然大部矣家誠小心篤誨酒坐語言婉婉集木獨以柳下鋸鍛傲視鍾會竟遭誣死東漢馬文淵誠其兄子效龍伯高毋效杜季良足稱至慎善保家門而意苒一車妻奴草索怨謗之來非人所意凡性不近物者勉爲抑損終與物乖中散絕交巨源非惡山公於當世人事誠不耐也書中自序遂首垢面懶辭入真阮嗣宗口不臧否亦心知師之卒不能學人實不宜仕宦強衣被之適速死耳集中大文諸論爲高諷養生而達莊老之旨辨管蔡而知周公之心其時役役司馬門下者非惟不能作亦不能讀也將刑東市太學生三千人求爲師不許抱臥龍之妾攫僭臣之忌其死也正以此耳廣陵散絕弊在用光鍾士季呂長悌猷睡耳豈能殺叔夜者哉

嵇康中散集 卷

鍾會司徒集 卷

按張溥題詞鍾士季弱冠與王輔嗣並知名其論易無互體才性同異厥旨不殊然山陽易註光列學宮而穎川元辨寂爾不顯豈才地經營方期功業無暇立言或者身族糜覆策書煙銷微言妙義莫得而聞也志云道論二十篇係士季文筆今不獲見其他亡軼可以類推命婦傳善言母德宗述教訓在齊女傳母魯季敬姜之間乃鳴鶴白茅樞機慎密母誨至勤胡為破蜀以後頓忘執手之戒自取滅門夫司馬專國睥睨魏鼎奄有西土勢必自帝魏亡于司馬與亡於士季等亡爾使反謀果成步騎並發縛文王父子告廟擊鼓奠安大魏功豈在閭散以下即不然同為篡臣割地而守未知誰雌雄也時運其才傾跌須臾亂兵登城英雄駢死天相司馬非盡士季之失抑覽其遺篇彬彬儒雅則猶魏文七子餘澤矣

晉杜預征南集 卷

按張溥題詞左傳之有杜元凱六經之孔孟也當時論者猶以質直見輕豈真貴古而賤今乎子雲太元不遇桓譚幾覆醬甌元凱釋左非孽處亦莫知其孤行天地也杜集絕無詩賦意者其雕蟲邪彼維彌綸經傳自託獲麟下者則薄之誠不欲以此有名也元凱嘗言三不朽庶幾立功立言其事皆踐漢興佐命如鄧侯刀筆高密書生不免望塵而拜章奏爾雅悉西京風制經術既深凡文皆餘耳不期工而工此學者養本之說也武庫平吳功堪廟食釋左一書復應日月之間為世傳習其於聖經為後先疏附也成勞過揚元矣儲君降服議禮與議是將通世變以就古人植弓幾禮不辭作偏未可與素冠之詩同相笑也

荀勗公曾集 卷

按張溥題詞荀成侯學古而倣者也史責其援朱均以武極廟褒閭而偶震至於斗粟輿謠論里成詠陪禍已甚誠無辭焉勗博聞明識牛鐸諸樂勞薪炊飯咸能辨之茂先倫匹也顧其文采則謝弗如泰始中與傅張同造歌詩荀尤少味始歎班固明堂寶鼎不可復作獨其條問列和表正笛聲樂家之論盡稱為優其他簡牘亦云清令蓋晉初之文美元尚存雕璣未極名人吐辭簡直近理江左文士盛談茂先散珠太冲橫錦若二荀者流忽而不言不幾棄大輅笑稚輪乎無惑乎六朝體製追時為工登高望之旗靡轍亂也東漢荀氏後多顯人景倩既讓文若公會尤媿慈明何其子孫位通而德儉也以是名克家然乎傳元鶴觚集 卷

按張溥題詞晉代郊祀宗廟歌樂多推傅休奕顧其文采與荀張等耳苦相篇與雜詩二首頗有四愁定情之風歷九秋篇讀者疑為漢古辭非相如枚乘不能作其言文聲求誠詩家六言之祖也休奕天性峻急正色白簡臺閣生風獨為詩篇辛婉溫麗善言兒女強直之士懷情正深賦好色者何必宋玉哉後人致疑廣平抑固哉高更也晉武受禪廣納直言休奕時務便宜諸疏劇切中理至云魏武好法術天下貴刑名魏文慕通遠天下賤守節請退虛部知逐鳥雀晉衰薄俗先有隱憂于令升論曰覽傳元劉毅之言而得百官之邪核傅咸之奏錢神之論而觀寵賂之彰悼禍亂而美知幾清泉素石可世守也爭言罵座兩遭免官福心有謂亦汲長孺之微嚮乎

張華茂先集 卷

按張溥題詞張壯武博物君子晉室老臣彌縫暗主虐后之間足稱補袞竟以猶豫族誅橫尸前殿悲哉壯武初未知名作鶴鶴賦以寄意感其不才善全有莊周木雁之思既賦相風朽社亦躊躇於在高戒險盛衰交心及陟台司不祥數見中台星圻少子趨勤其遜位猶戀弗忍決漢王京兆不念牛衣遂沉牢獄然死以直諫誠重泰山壯武豈忘牧羊時乎名位已極篤於守經徒為賈氏而死適資人口耳晁氏書目云張司空集有詩一百二十哀詞問文二十一賦三今余所綴輯賦數過之文不及全詩歌八十餘中間拂舞白紵舞杯槃舞諸篇晉代無名氏之作藏書家本亦有繫之張司空集者然觀其壯健頓挫類非司空溫麗之素餘詩平雅近代詩家深貶其博學為累豈所謂聽古樂而臥乎壯武文章賦最蒼深文次之詩又次之大抵去漢不遠猶存張蔡之遺詩數論詩晉以下若茂先勵志廣徵補亡季倫吟歎等曲尚有前代典刑余於司空諸文亦云

孫楚子荆集 卷

按張溥題詞子荆零雨正長朔風稱於詩家今亦未見其絕倫也除婦服詩王武子歎為情文相生然以方嵇君道伉儷詩兄弟間耳江東末順司馬文王發使遣書子荆與荀公會各奮筆札孫最傑出而荀獨見用謂勝十萬師文章有神不在遇合朝廟之上賞音尤難必欲如元瑜孔璋見知孟德豈易言哉石驛騎府主也郭奕其同里也睥睨兇爭遂致沉廢子荆平日素有傲名鄉曲缺譽此亦其見短之一事乎然

同開相知有一武子生死願足靈牀驢聲何必非叔夜之琴也笑賦調諱自得反金人銘崑薄籍口似狂非狂言各有寄若夫長處勁直箋頌夜光威聲被髮遺書勸仕知人實長未聞玩物太原名士磊落英多其為品狀寧讓汝頌哉

摯虞太常集 卷

按張溥題詞摯仲洽為元晏高弟知名當世遭亂餓死傷哉貧也張茂先聚書三十乘仲洽撰定官書皆資以取正茂先冤死仲洽致箋齊王事漸表白可云不負知己集詩甚少賦亦遠遜茂先議禮諸文最稱宏辨與杜元凱東廣微並生一時勢猶鼎足二荀弗如也東堂策對其生平致身之文中少壯氣洽為卑響靡靡之句效者益貧當日作者得無自恨其率爾乎茂先博極羣書能辨冕毛龍肉而不知察變桑柏仲洽善觀元象知涼州可以避難而流離京雒竟同餓隸予輒怪儒者有博物之長無謀身之斷此趙壹所以悲窮鳥也流別曠論窮神盡理劉勰龍鍾噪詩品緣此起義評論日多矣

束皙陽平集 卷

按張溥題詞晉世笑東先生勸農及耕諸賦文辭鄙俗今雜置賦苑反覺其質致近古繇彼雕績少也廣微沈退作元居釋以擬客難張茂先見而奇之顧其文曼倩醲也此柏也獨痛言周漢衰時禍福無報朝卿相夕鼎烹功名之士可為嚙指出血當途典午牝鳴狼噬衣冠達人誅無遺種中散幽情之詩逸民崇有之論俱無救於湮死始知太虛元蟄嚴更鄭老投足天地不如一卷虛虛談乎集中數議爾雅之文不

愧典冊補亡詩志高而辭淺欲以續經罷不勝任也三百風徵古詩終絕章孟諷諫傳毅迪志俱非昔響降而西晉誰為朱紘哉汲汲慕竹簡嵩高科斗自博學者觀之直其戶牖書也曲水之對見榮人主何異東方名藻神中壘辨貳負乎

夏侯湛常侍集 卷

按張溥題詞潘安仁之詠夏侯孝若也曰執戟疲揚長沙投賈余讀其詞竊歎文人相惜死生猶見抵疑之作班固寶戲蔡邕釋誨流也高才淹蹟含文寫懷鋪張問難聊代宣蘇縱觀西晉元居權論釋勸釋時文皆近是追蹤西漢邈乎後塵矣昆弟誥總訓羣子紹開穆侯人倫長者之書也但規模帝典僅能形似刻鵠畫虎不無譏焉周詩上續白華志猶東哲補亡安仁誦之亦賦家風友朋具爾始文以情生乎賈誼二十四友安仁居首母氏數請不知省改白首之識貽親以悖孝若連璧末或同熱長歸雖先幸不及禍其離親誅有云苟違親以從利分匪會閭之攸資余為三復泣下孝弟文雅盛名得全者此爾東漢趙威豪猶嘔血未及况他人乎

潘岳黃門集 卷

按張溥題詞余讀潘安仁馬汧督諫惘然思古義士猶班孟堅之傳蘇子卿也及悼亡詩賦哀末逝文則又傷其閨房辛苦有古落葉哀蟬之歎史云善為哀誄誠然哉籍田賦客舍議並以典則見稱陸海潘江無不善也獨惜其慙懷詐書呈身北后屈長卿之典冊行江充之告變重汚泥以自辱耳問居一賦板輿輕軒浮杯高歌天倫樂事足起愛慕孰知其仕宦情

重方思熱客慈母拳拳非所念也楊駿被誅綱紀當坐安仁賴河陽舊客得脫軀命而好進不休舉家糜滅害由小史生之者公孫宏殺之者孫秀禍福何常古人所以畏蜂螫也二陸屠門戎毒相類天下哀之迷騰討檄安仁東市獨無憐者士之賢愚至死益見余深為彼美惜焉

傅咸中丞集 卷

按張溥題詞傅休奕剛峻少容貴顯當世老而不折時晉運方興天子虛己老成喉舌可以無恙若長虞所處國艱甫慙懲楊氏執政之萌規汝南輔相之失劾按驚人榮終司隸直道而行若是多福鮑子都諸葛少季無其遇也傅氏諸賦不尚綺麗長虞短篇時見正性治獄明意賦云吏砥身以存公有死而無柔一生骨鯁風尚顯白歷官威嚴條申職掌御史作箴汲生共助司隸布教臥虎立名彼其之子邦之司直斯人有焉休奕四部六錄文集百餘渾問者多長虞著述不富傳文亦與父母為彪為固不能短長其間七經詩中毛詩一首雖集句託始無闕言志與尚書同寮詩則告誡臣僕有乎盈缶韋孟在鄒家風不墜矣

潘尼太常集 卷

按張溥題詞史稱潘正叔著論究人道之綱裁歲懸乘輿之鑒此二者非徒龍甲鳳毛亦其生平所以自立也元康薦亂八王鬪爭從父安仁一門罹誅正叔知幾歸掃墳墓後得封公顯職壽終塋堂安仁初任河陽贈詩祖道美其天姿刑僇之後樹碑紀事增慟覆醢其於叔父情篤猶中郎也存沒異路榮辱

天壤逃死須臾之間垂聲三王之際至今誦聞居者笑黃門之乾沒讀安身者重太常之居正人物短長亦懸禍福泉下嘿嘿烏誰離雄即有不平能更收召魂魄抗眉爭列哉傳長虞會定九品正叔作詩規之其爲人也無詭隨其爲文也無戲謔大致類然若萃有八分之書賦著琉璃之盤適文人餘韻也

陸機平原集 卷

按張溥題詞陸氏爲吳世臣士衡才冠當世國亡主辱顛沛圖濟成則張子房敗則姜伯約斯其人也俯首入洛竟磨晉爵身事仇讎而欲高語英雄難矣太康末年覺亂日作士衡諫誡賈誼得通侯俗人謂福君子謂禍趙王誅死羈囚廷尉秋風鱸尊可早決幾復戀成都活命之恩遭孟玖青蠅之譖黑憾告夢白恰受刑畫獄自投其誰哉張茂先博物君子昧於知止身族分滅前車不遠同堪痛哭然冤結亂朝文懸萬載弔魏武而老奸掩袂賦豪士而驕王喪魄辨亡懷宗國之憂五等陳建侯之利北海以後一人而已排沙簡金與公造喻子思才多司空歎美尚屬輕今賤目非深知平原者也

陸雲清河集 卷

按張溥題詞士龍與兄書稱論文章顧貴清省妙若文賦尚嫌綺語未盡又云作文尚多譬家猶羊耳其數四推兄或云魂鑠或云高遠絕異或云新聲絕曲要所得意惟清新相接士衡文成輒使弟定之不信他人二陸用心先質後文重規沓矩亦不得已而後見耳哲昆詩匹人稱如陳思白馬士龍所傳四言偏多有皇思文諸篇誦美祁陽式模大雅類以卑頌尊

非朋舊之體餘篇一致間有至極使盡其才即不得爲韋侯諷諫仲宣思親顧高出補亡六首則有餘矣宰治後儀善察疑獄佐相吳王屢陳讜論神明之長諫諍之臣有兼能焉士衡枉死遂同隕墮聞河橋之鼓聲哀華亭之鶴唳集覆卵破瓦相及也集中大文雖少而江漢同名劉彥和謂其布采鮮淨敏於短篇殆質論歟

成公綏子安集 卷

按張溥題詞東郡成公子安賦心不若左太冲史才不若袁彦伯其在晉文苑與庾仲初曹輔佐兄弟也嘯賦見貴於時梁昭明登之文選激揚嗔緩彷彿有聲然列於馬融長笛嵇康琴賦亦彈而不成矣賦少深致而序各有思讀諸賦不如讀其序也樂歌施於廊廟揆之雅頌不知其中何篇也晉世郊廟燕射鼓吹舞曲皆有詞其篇章見名者傳元張華荀勗成公綏曹毗王珣耳辭每雷同傳稍出羣子安得與茂先接慶其人幸甚欲如漢郊祀歌之練時日鼓吹饒歌之朱鷺則真曠代矣隸勢善於說字若有宮商恭組亦陸機文賦之流乎

張載孟陽張協景陽集 卷

按張溥題詞晉代文人有二陸三張之稱三張者孟陽載景陽協李陽元也李陽才藻不逮二昆文不甚顯孟陽濛濛司隸建學景陽七命舉世稱工安平棣華名豈虛得然揅其旨趣語亦猶人不能不遽漸枚叔近魏平原也劍閣一銘文章典則磐石蜀山古今榮遇景陽文稍讓兄而詩獨勁出蓋二張齊驥詩文之間互相長短若論才家庭則伯難爲兄仲難爲弟

矣二子守道嫉衆食位高尚之懷每形詩詠時或疵其元之尚白及觀二鳳齊傾金谷並墮華亭上蔡嗟呼歎脫然後知達人早識長謠二疏高歌招隱所以能自脫於巫山之火也

劉琨中山集 卷

按張溥題詞晉劉司空集十卷在宋時已多缺誤今日欲觀全書未可得也越石兄弟與石崇賈謐友善金谷文詠祕書唱和詩賦豈盡無傳顧迺奔走亂離僅存書表想其當日執契倚盾筆不得止勁氣直辭迴薄霄漢推此志也屈平沅湘荆卿易水其同聲耶晉元渡江無心北伐越石再三上表辭雖勸進義切復讎讀者苟有胃腹能無慷慨以彼雄才結盟戎狄揚旌幽并身死而復生國危而復安間關差跌不病驅馳及同盟見疑命窮幽繫子諒文儒坐觀其斃爲之君者孝非子胥爲之友者仁非魯連慙慙贈詩送哀而已夫漢賊不滅諸葛出師二聖未還武穆鞠旅二臣忠貞表懸天壤上下其間中有越石追鞭祖生投書盧子英雄失援西狩與悲予嘗感中夜荒雞月明清嘯抑覽是集彷彿其如有聞乎

郭璞弘農集 卷

按張溥題詞神仙傳言郭河東得兵解之道今爲水仙仙伯其然與否吾不敢知亦足見烈士殉義雖死可生亂臣賊子不能殺也景純才學見重明帝埒於溫嶠庾亮余謂其抗節王敦贊成大事匡國之志嶠可庶幾亮安敢班駘雙柏鵲巢越城伍伯絕命之期先知之矣猶然解髮銜刀祈祥幽穢非苟求活欲觀須臾得一當以報國家耳陳迹蚤亡呼之爲福景純亦

縱酒色自滅精神李陵惜死若所恥也負豫讓之忠蹈嵇生之禍豈非天乎阮嗣宗厭苦司馬以狂自晦彼亦無可如何不得已而逃爲酒人景純則非無術以處敦者也令桓彝不窺裸袒生命不盡日中勤王之師義當先驅其取敦也猶慮江主人家婢爾南岡斷頭遺文彌烈今讀其集直臣諫諍神靈博物無不有也如斯人而不謂之仙乎不可得已

王羲之右軍集 卷

按張溥題詞殷洪源與桓溫不協王逸少遺書苦諫欲書廉閣于屏風又曲止北伐皆不見聽果敗於姚襄謝豫州邁往不屑才非將帥遠逸少之言後亦復狙世謂其形神在名山滄海之間於天下事抑何觀火也耶耶南渡江左粗安王謝雖賢未敢以區區吳越經緯天下褚哀殷浩志奢才短動而輒蹶若復不守江東遠慕諸葛伍員之憂爲期彌促卒觀喪晉發強臣非繇外寇逸少早識善察百年此數札者誠東晉君臣之良藥非同平原辨亡令升論晉追覽既往奮其縱橫也蘭亭詠韻勝金谷誓墓不出義取老氏與謝萬書言山水弋釣拊掌開懷又教子孫退讓彷彿萬石絲竹陶寫恐爲兒輩覺則樂而能節矣史云逸少與藍田抵牾愧歎謝病猶逐翰音而未親登天者也書法冠古今飄雲矯龍亦藝成之一後人寶其筆勢聚字成帖間有斷缺尚圖球奉之誤正可思蓋在是乎

王獻之小令集 卷

按張溥題詞右軍七子五人知名于飲子敬尤稱不羈子敬先亡子飲直上靈牀悲歎人琴亦頓絕祖化

友于情深攜手地下鵲鶴之詩於此增重子敬生平少過其臨沒自儼者惟與郗道茂離婚耳別妻一帖俯仰嗚咽既篤伉儷何不爲宋大夫之卻湖陽乎身尚公主女爲帝后烏衣貴游寵榮過盛獨惜年命不長門無男子五福在天文人當之固難有全理也桃葉歌詞江南盛傳其答歌則綠珠懊惱翻風怨詩之類也子敬通昏帝胃豪貴自喜復纏綿妾侍發其謳吟中書風流上掩季倫但無顏對鄰姊耳法書簡帖間有偽書翰墨足傳字貴尺璧大文絕少獨表明安石言得其平較之攀處理茂先虛謔訟越石並晉室陽秋矣

孫綽廷尉集 卷

按張溥題詞東晉佛乘文人孫興公最有名然論道論云佛十二部經其四部專以勸孝道賢論以天竺七僧方竹林七賢指悉近儒非滿首彼法長往不返者也桓大司馬欲移都洛陽衆莫敢諫興公抗表論列文辭甚偉斯時進言固難於莫敬之說漢高也振袖舉笏鄭鄞無恙一封事足不朽矣天台賦自命金石抑其佳句不過赤城瀑布耳遂初林阜足薄華幕蓋遠詠老莊蕭條高寄其素志也賦云乎哉表哀詩哀號罔極欲繼夢我即若祖除婦服詩未若其關道義繫人倫也碧玉二歌亦胡姬十五桃葉渡江之類未免有情正謂此爾右軍蘭亭雅集興公與兄承公各有詩篇一吟一咏誠非許掾所及溫王郗庚穹碑載文豈好諛墓哉其體先哲或中郎之羽翮也

晉陶潛靖節集 卷

按梁昭明太子序夫自衍自媒者士女之醜行不枝

不求者明達之用心是以聖人韜光賢人道世其故何也含德之至莫踰於道親己之切無重於身故道存而身安道亡而身害處百齡之內居一世之中倏忽比之白駒寄遇謂之逆旅宜乎與大塊而盈虛隨中和而任放豈能戚戚勞於憂長汲汲役於人間齊謳趙女之娛八珍九鼎之食結駟連騎之榮侈袂執圭之貴樂既樂矣憂亦隨之何倚伏之難量亦慶弔之相及智者賢人居之甚履薄冰愚夫貪食士競之若洩尾闕玉之在山以見珍而終破蘭之生谷雖無人而自芳故莊周垂釣於濠伯成躬耕於野或貨海東之藥草或紡江南之落毛譬彼鴛鴦難離鸛鳴之肉猶斯雞黍寧勞文仲之牲至於子常蜜喜之倫蘇秦衡鞅之匹死之而不疑甘之而不悔主父偃言生不五鼎食死則五鼎烹卒如其言豈不痛哉又楚子觀周受折於孫滿霍侯驂禍起於負芒餐餐之徒其流甚衆衆薨四海之主而有汾陽之心子晉天室之儲而有洛濱之志輕之若脫屣視之若鴻毛而況於他人乎是以至人達士因以晦迹或懷蘆而謁帝或被褐而負薪鼓枹清潭棄機漢曲情不在於衆事寄衆事以忘情者也有疑陶淵明詩篇篇有酒吾觀其意不在酒亦寄酒爲述者也其文章不羣辭彩精拔跌宕彰彰獨起衆類抑揚爽朗莫之與京橫素波而傍流千青雲而直上語時事則指而可想論懷抱則曠而且真加以貞志不休安道苦節不以躬耕爲恥不以無財爲病自非大賢篤志與道污隆孰能如此乎余素愛其文不能釋手尚想其德恨不同時故加搜校粗爲區目自璧微瑕惟在閒情一賦揚雄所謂